

四庫全書

集部

欽定四庫全書

集部
詞綜卷十一

詳校官庶吉士_臣朱理

侍讀_臣孫球覆勘

總校官檢討_臣何思鈞

校對官學正_臣陳木

謄錄監生_臣劉宗望

欽定四庫全書

詞綜卷十

翰林院檢討朱彝尊編

宋詞六十一首

陳克

六首

李祁

三首

呂渭老

十七首

趙企

一首

李持正

一首

王采

二首

韓駒

一首

徐積

一首

何籀一首

蔣子雲一首

宋齊愈一首

李甲四首

夏倪一首

沈會宗四首

廖世美二首

林少瞻一首

何大圭一首

沈公述一首

魯逸仲一首

何臬一首

陳瓘一首

王安中四首

楊适一首

方喬一首

李 玉一首

波子山一首

謝克家一首

陳

克

字子高臨海人僑寓金陵元豐間以呂安老薦入幕府得官有赤城詞一卷

陳質齋云子高詞格頗高麗晏周之流亞也

菩薩蠻

赤欄橋盡香街直
籠街細柳嬌無力
金碧上晴空
花晴簾影紅
黃衫飛白馬
日日青樓下
醉眼不逢人
午香吹暗塵

又

綠蕪牆遠青苔院中庭日淡芭蕉卷蝴蝶上階飛風簾
自在垂玉鈎雙語燕寶甃楊花轉幾處簸錢聲綵窓
春夢輕

謁金門

愁脉脉目斷江南江北烟樹重重芳信隔小樓山幾尺
細草孤雲斜日一晌弄晴天色簾外落花飛不得東
風無氣力

又

花滿院飛去飛來雙燕紅雨入簾寒不卷曉屏山六扇
翠袖玉笙悽斷脉脉兩蛾愁淺消息不知郎近遠一

春長夢見

耆舊續聞云和凝詞拂水雙
飛來去燕曲檻小屏山六扇

又

柳絲碧柳下人家寒食鶯語匆匆花寂寂玉階春蘚濕
閑凭薰籠無力心事有誰知得檀炷繞窓燈背壁畫
簷殘雨滴

臨江仙

四海十年兵不解，朔塵直到江城。
歲華消盡客心驚。
疏髯渾似雪，衰涕欲生冰。
送老薤鹽何處是，我緣應在吳興。
故人相望若為情。
別愁淡夜雨，孤影小窗燈。

李

祁

字蕭遠，官至尚書郎宣和間，責監漢陽酒稅。

點絳脣

樓下清歌水，流歌斷春風。
暮夢雲烟樹，依約江南路。
碧水黃沙夢，到尋梅處。
花無數。問花無語，明月隨人去。

朝中措

郎官湖上探春迴。初見照江梅。過盡竹溪流水，無人知道花開。佳人何處，江南夢遠，殊未歸來。喚取小叢教看隔江烟雨樓臺。

風蝶令

嫋嫋秋風起。蕭蕭敗葉聲。岳陽樓上聽哀箏。樓下淒涼江月為誰明。霧雨沉雲夢，烟波渺洞庭。可憐無處問湘靈。只有無情江水遶孤城。

呂渭老

一作濱老字聖求秀州人
宣和末朝士有詞一卷

趙師秀云聖求詞婉媚
淡窈視美成者卿伯仲

薄倖

青樓春晚畫寂寂梳勻又懶乍聽得鴉啼鶯弄惹起新
愁無限記年時偷擲春心花間隔霧遙相見便角枕題
詩寶釵貫酒共醉青苔淡院怎忘得迴廊下携手處
花明月滿如今但暮雨蜂愁蜨恨小窗閑對芭蕉展却
誰拘管儘無言閑品秦箏淚滿參差鴈腰肢漸小心與

楊花共遠

選冠子

雨溼花房風斜燕子池閣晝長春晚檀盤戰象寶局鋪
碁籌畫未分還嬾誰念少年齒怯梅酸病疎霞盞正青
錢遮路綠絲明水倦尋歌扇空記得小閣題名紅箋
青製燈火夜淡裁剪明眸似水妙語如絃不覺曉霜雞
喚聞道近來箏譜慵看金鋪長掩瘦一枝梅影回首江
南路遠

念奴嬌

贈希文寵姬

暮雲收盡霽霞明，高擁一輪寒玉。簾影橫斜，房戶靜小，立啼紅簌簌。素鯉頻傳蕉心微展，雙蕖明紅燭。開門疑是故人，敲撼窻竹。
長記那裏西樓小，寒窻靜盡掩風箏。鳴屋淚眼，燈光情未盡，儘覺語長更促。短短霞杯，溫溫羅帕，妙語書裙幅。五湖何日，小舟同泛春綠。

情久長

冰梁跨水沉沉，霽色遮千里。怎向我小舟孤棹，天外飄

隆夜寒侵短髮睡不穩
窻外寒風漸起歲華暮
蟾光射雪碧瓦飄霜
塵不動寒無際
雞咽荒郊夢也無歸計
擁綉枕斷魂殘魄清吟
無味想伊睡起又念遠
樓閣橫枝對倚待歸去
西窻剪燭小閣凝香淡
翠幙饒春睡

滿路花

同柳仲倚在趙屯

西風晴日短
小雨菊花寒
斷雲低古木
暗江天星娥尺
五佳約悞當年
小語憑肩處
猶記西園畫
橋斜月闌干
鳥蹄花落春
信遣誰傳
尚容清夜夢
小留連
青樓何

處寶鏡注嬋娟應念紅箋事微暈春山背牕愁枕孤眠
浣溪沙

烟柳濛濛鵲做巢青青弱草帶斜橋鶯聲多在杏花梢
逐伴不知春路遠見人時著小詞招阿誰有分伴吹
簫

南歌子

策杖穿花圃登臨嘯晚風無窮秋色蔽晴空遙見夕陽
江上捲飛蓬鴈道菰蒲遠山遙夢寐通一林楓葉墮

愁紅歸去暮烟深處聽疎鐘

祝英臺近

寶蟾明朱閣靜新燕近簾語還記元宵燈火小橋路逢
迎春筍柔微凌波纖穩悄不顧斗斜三鼓甚無據誰
信一霎春愁鶯聲留不住柳色苔痕風雨暗花圃細看
羅帶銀鈎綃巾香淚算不枉那時分付

江城子

曉參垂戶宿醒醒坐南亭對疎星點點螢光偏向竹梢

明望斷長空何處是雲葉亂彩霞橫
西樓依舊抱重城小銀屏此時情鴉陣翻叢枯柳兩三聲
欹枕欲尋初夜夢雞唱遠曉蟾傾

小重山

七夕病中

半夜燈殘鼠上檠小窓風動竹月微明
夢魂偏寄水西亭琅玕碧花影弄蜻蜓
千里暮雲平南樓催上燭晚來晴
酒闌人散斗西傾天如水團扇撲流螢

減字木蘭花

雨簾高捲芳樹陰陰連別館涼氣侵樓蕉葉荷枝各自
秋前溪夜舞化作驚鴻留不住愁損腰肢一桁香消
舊舞衣

江城子慢

新枝媚斜日花徑霽晚碧泛紅滴近寒食蜂蝶亂點檢
一城春色倦游客門外昏鴉啼夢破春心似遊絲飛遠
碧燕子又語斜簷行雲自沒消息當時烏絲夜語約
桃花時候同醉瑤瑟甚端的看看是榆角楊花飛擲怎

忘得斜倚紅樓回淚眼天如水沉沉連翠壁想伊不整
啼妝影簾側

百宜嬌

隙月垂窺亂蜚催織秋晚嫩涼房戶燕拂簾旌鼠窺窻
網寂寂飛螢來去金鋪鎮掩謾記得花時南浦約重陽
萸糝菊英小樓遙夜歌舞銀燭暗佳期細數簾幙漸
西風半窻秋雨葉底翻紅水面皺碧燈火裁縫砧杵登
堂望極正霧鎖官槐歸路定須相將寶馬鈿車訪吹簫

侶

夢玉人引

上危梯望畫閣迥繡簾垂曲水飄香小園鶯喚春歸舞
袖弓彎正滿城烟草淒迷結伴踏青起蝴蝶雙飛賞
心歡計從別後無意到西池自檢羅囊要尋紅葉留詩
懶約無憑據鶯花都不知怕人問強開懷細酌茶蘼

傾盃令

隔座藏鈎分曹射覆燭燄漸催三鼓箏按教坊新譜樓

外月生春浦 徘徊爭忍忙歸去怕明朝無情風雨珍
花美酒圍坐且作樽前笑侶

一落索

蟬帶殘聲移別樹晚涼房戶秋風有意染黃花下幾點
淒涼雨 渺渺雙鴻飛去亂雲淡處一山紅葉為誰愁
供不盡相思句

西江月慢

春風淡淡清晝永落英千尺桃杏散平郊晴蜂來往妙

香飄擲傍畫橋煮酒青帘綠楊風外數聲長笛記去年
紫陌朱門花下舊相識 向寶帕裁書憑燕翼望翠閣
烟林似織聞道春衣猶未整過禁烟寒食但記取角枕
題情東窓休悞這些端的更莫待青子綠陰春事寂

趙 企

字循道大觀
中宰績溪

感皇恩

騎馬踏紅塵長安重到人面依然似花好舊歡纔展又
被新愁分了未成雲雨夢巫山曉 千里斷腸關山古

道回首高城似天香滿懷離恨付與落花啼鳥故人何處也青春老

李持正

字季東政和五年進士歷知德慶南劔潮陽三郡終朝請大夫

明月逐人來

上元

星河明澹春來淡淺紅蓮正滿城開遍禁街行樂暗塵香拂面皓月隨人近遠
天半鰲山光動鳳樓西觀東風靜珠簾不捲玉輦待歸雲外聞絃管認得宮花影轉

蘇子瞻云好箇皓月隨人近遠

王 采

字輔道一云字道輔
韶子宣和中官侍郎

玉樓春

秋閨思入江南遠
簾幙低垂閑不捲
玉珂聲斷曉屏空
好夢驚回還起嬾
風輕只覺香烟短
陰重不知天色晚
隔窗人語退朝歸
旋整宿妝勻睡眼

蝶戀花

梨花

縷雪成花檀作葉
愛伴秋千搖曳東風裏
翠袖年年寒食淚
為伊牽惹愁無際
幽艷偏宜春雨細
紅粉闌干

有箇人相似鈿合金釵誰與寄丹青傳得淒涼意

韓駒

字子蒼仙井監人政和初進士歷遷中書舍人兼權直學士院贈中奉大夫有陵陽集

昭君怨

雪

昨日樵村漁浦今日瓊川銀渚山色捲簾看老峯巒

錦帳美人貪睡不覺天孫剪水驚問是楊花是蘆花

徐積

字仲車楚州山陽人中進士第除揚州司戶參軍楚州教授政和州防禦推官徽宗初立

改宣德郎卒贈諡節孝處士有集

漁父樂

水曲山隈四五家夕陽烟火隔蘆花
漁唱歇醉眠斜綸竿蓑笠是生涯

何

籀

字子初
信安人

宴清都

細草沿階軟遲日薄惠風輕靄微暖春工靳惜桃英尚
小柳芽猶短羅幃繡幙高捲早已是歌情笑懶凭畫樓
那更天遠山遠水遠人遠堪怨傳粉疎狂竊香俊雅
無計拘管青絲絳馬紅巾寄羽甚處迷戀無言淚珠零

亂翠袖儘重重漬遍故要得別後思量歸時覩見

蔣子雲

字元龍

好事近

葉暗乳鴉啼風定亂紅猶落蝴蝶不隨春去入薰風池
閣休歌金縷勸金卮酒病然如昨簾捲日長人靜任
楊花飄泊

宋齊愈

字退翁宣和間為太學官按
吳曾能改齊漫錄稱諫議

眼兒媚

梅詞
應制

霏霏疎影

一作雨

轉征鴻人語暗香中小橋斜渡曲屏淡

院水月濛濛

人間不是藏春處

一作所

玉笛曉霜空江

南處處黃垂密雨綠漲薰風

李

甲

字景元
華亭人

帝臺春

芳草碧色萋萋遍南陌暖絮亂紅也知人春愁無力憶
得盈盈拾翠侶共携賞鳳城寒食到今來海角逢春天
涯倦客愁旋釋還似織淚暗拭又偷滴漫倚遍危欄

儘黃昏也只是暮雲凝碧拚則而今已拚了忘則怎生
便忘得又還問鱗鴻試重尋消息

望雲涯引

秋容江上岸花老蘋洲白露溼蒹葭浦嶼漸增寒色閑
漁唱晚鶩鴈驚飛處映遠磧數點輕帆送天際歸客
鳳臺人散漫回首沉消息素鯉無憑樓上暮雲凝碧時
向西風下認遠笛宋玉悲懷未信金樽消得

八寶妝

門掩黃昏畫堂人寂暮雨乍收殘暑簾卷疎星庭戶悄
隱隱嚴城鐘鼓空街烟暝半開斜月朦朧銀河澄淡風
淒楚還是鳳樓人遠桃源無路惆悵夜久星繁碧雲
望斷玉簫聲在何處念誰伴茜裙翠袖共攜手瑤臺歸
去對脩竹森森院宇曲屏香暖凝沉炷問對酒當歌情
懷記得劉郎否

過秦樓

賣酒壚邊尋芳原上亂花飛絮悠悠已蜨稀鶯散便擬

把長繩繫日無由謾道草忘憂也徒將酒解閑愁正江南春盡行人千里蘋滿汀洲有翠紅徑裏盈盈侶簇芳茵襖飲時笑時謳當暖風遲景任相將永日爛熳狂遊誰信盛狂中有離情忽到心頭向尊前擬問雙燕來時曾過秦樓

夏

倪

字均父蘄州人自府曹左官祁陽監酒

減字木蘭花

宣和庚子登浯臺作

江涵曉日蕩漾波光搖槳入笑指浯溪漫叟雄文銷翠

微休嗟不偶歸到中州何處有獨立風烟湘水渚臺
總接天

沈會宗

字文伯

小重山

花過園林清蔭濃琅玕新脫笋綠成叢語

一作雨

聲只在

小樓

一作池

東閣欹枕敵

一作直

面芰荷風

長

一作斜

日蔽

簾隴輕塵飛不到畫堂空一樽今夜與誰同人如玉相

對月明中

菩薩蠻

落花迤邐層陰少青梅競弄枝頭小江色雨和烟行人
江那邊好花都過了滿地空芳草落日醉醒間一春
無此寒

驀山溪

想伊不住船在藍橋路別語未甘聽更忍問而今是去
門前楊柳幾日轉西風將行色欲留心忽忽城頭鼓
一番幽會只覺添愁緒邂逅却相逢又還有此時歡否

臨歧把酒莫惜十分斟
尊前月月中人明夜知何處

清商怨

城上鴉啼斗轉漸
玉壺冰滿月淡寒梅清香來小院
誰遣鶯箋寫怨翻錦字疊疊和愁卷
夢破胡笳江南烟樹遠

廖世美

好事近

落日水鎔金
天淡暮烟凝碧樓上誰家紅袖倚闌干
無

力 鴛鴦相對浴紅衣短棹弄長笛驚起一雙飛去聽
波聲拍拍

燭影搖紅

安陸浮雲樓

靄靄春空畫樓森聳凌雲渚紫薇登覽最闌情絕妙誇
能賦惆悵相思遲暮記當日朱欄共語塞鴻難問岸柳
何窮別愁紛絮 催促年光舊來流水知何處斷腸何
必更殘陽極目傷平楚晚霽波聲帶雨悄無人舟橫野
渡數峯江上芳草天涯參差烟樹

林少瞻

眼兒媚

曉行

霽霞散曉月猶明疎木挂殘星山逕人稀翠蘿深處啼
鳥兩三聲 霜華重逼雲裘冷心共馬蹄輕十里青山
一溪流水都做許多情

何大圭

字揭之廣德
軍人進士

小重山

綠樹鶯啼春正濃釵頭青杏小綠成叢玉船風動酒鱗

紅歌聲咽相見幾時重
車馬去匆匆路隨芳草遠恨

無窮相思只在夢魂中
今宵月偏照小樓東

臨卽高恥
卷云玉船

句如雲錦月鉤
奪造化之巧

沈公述

念奴嬌

杏花過雨漸殘紅
零落胭脂顏色流水飄香人漸遠難
託春心脉脉恨別王孫牆陰目斷
手把青梅摘金鞍何處綠楊依舊南陌
消散雲雨須臾多情因甚有輕離

輕拆燕子千般爭解說些子伊家消息厚約淡盟除非
重見見了方端的而今無奈寸腸千恨堆積

魯逸仲

南浦

風悲畫角聽單于三弄落譙門投宿駸駸征騎飛雪滿
孤村酒市漸闌燈火正敲窗亂葉舞紛紛送數聲驚鴈
乍離烟水嘹唳度寒雲好在半朧淡月到如今無處
不銷魂故國梅花歸夢愁損綠羅裙為問暗香閑艷也

相思萬點付啼痕
算翠屏應是兩眉餘
恨倚黃昏

何 桌

字子縝一云字文縝仙井人政和丙申進士第一歷官尚書右僕射兼中書侍郎元靖康

之難贈觀文

殿大學士

虞美人

贈姁惠柔

分香帕子採藍臙欲去殷勤惠重來約在牡丹時只恐
花枝相妒故開遲
別來看盡閑桃李日日闌干倚倦
花無計問東風夢作一雙蝴蝶遶芳叢

陳

瓘

字瑩中延平人甲科建中靖國初為右司諫嘗移書責曾布及言蔡京蔡卞之姦章疏

十上除名編隸合浦以死靖康中贈諫大夫紹興中追贈諡忠肅有了齋集詞一卷

滿庭芳

淮葉繽紛江烟濃淡別尊同倒寒暉未逢春信霜露惹
征衣往事元無是處何須待回一作首知非春鴈語從

來勸我長道不如歸家山何處近江樓簾棟夕捲朝

飛問西江筍蕨何似鱸肥且署一作華胥舊夢忘言處

千古同時君知我平生心事相契古來希

王安中

字履道曲陽人進士及第宣和中累官翰林學士承旨尚書左丞金人來歸燕投慶遠軍

郭師使河北河南燕山府路宣撫使加少師
郭師將叛求罷召遂靖康初安置象州紹

興初復左中大夫
有初察集詞一卷

玉樓春

秋鴻只向秦箏住終寄青樓書不去手因春夢有攜時
眼到花開無著處 泥金小字回文句翠袖紅裙今在
否欲尋巫峽舊時雲問取高唐臺畔路

一落索

塞柳未傳春信霜花侵鬢送君西去指秦關看日近長

安近 玉帳同時英俊合離無定路逢新鴈北飛來寄
一字燕山問

清平樂

和晁倅

花時微雨未減春分數占取簾疎花密處把酒聽歌金
縷 斜風輕度濃香閑情正與春長向晚紅燈入坐嘗
新青杏隨觴

洞仙歌

淡庭夜寂但涼蟾如畫鵲起高槐露華透聽曲樓玉管

吹徹伊州金釧響軋軋朱扉暗叩
迎人巧笑道好箇
今宵怎不相尋暫攜手見淡淨
晚妝殘對月偏宜多情
更越饒纖瘦早促分飛霎時休
便恰似陽臺夢雲歸後

楊

适

字時可棣州人舉進士
為尚書比部員外郎

南柯子

送淮漕向伯恭

怨草迷南浦愁花傍短亭有情歌酒莫催行看取無情
花草也關情舊日臨歧曲而今忍淚聽淮山何在暮
雲平待倩春風吹夢過江城

方喬樂至

生查子

贈紫竹

晨鶯不住啼故喚愁人起無力曉妝慵閑弄荷錢水
欲呼女伴來鬪草花陰裏嬌極不成狂更向屏山倚

李玉

賀新郎

篆縷消金鼎醉沉沉庭陰轉午畫堂人靜芳草玉孫知
何處惟有楊花糝徑漸玉枕騰騰春醒簾外殘紅春已

透鎮無聊殢酒厭厭病雲鬢亂未忺整 江南舊事休
重省過天涯尋消問息斷鴻難倩月滿西樓憑欄久依
舊歸期未定又只恐瓶沉金井嘶騎不來銀燭暗枉教
人立盡梧桐影誰伴我對鸞鏡

黃叔暘云李君詞雖不
多見然風流蘊藉盡此

篇
矣

波子山

宿州
獄掾

剔銀燈

途次南京憶營妓張溫卿

一夜隋河風勁霜混水天如鏡古柳堤長寒烟不起波

上月無流影那堪懶聽疎星外離鴻相應須信情多是病酒到愁腸還醒數疊羅衾餘香未減甚時枕鴛重並教伊須更將蘭約見時先定

謝克家

字任伯官參政

憶君王

徽宗北行作此

依依官柳拂宮牆樓殿無人春晝長燕子歸來依舊忙

憶君王月照黃昏人斷腸

避戎夜話云淵聖幸北營不返謝元及作此詞鼠璞云語

意悲涼讀之使人墮淚真憂君憂國之語

欽定四庫全書

詞綜
卷十

詞綜卷十

欽定四庫全書

詞綜卷十一

翰林院檢討朱彝尊編

宋詞六十四首

向子諲 九首

蔡伸 十二首

王庭珪 三首

葉夢得 三首

王之道 一首

向鎬 三首

沈瀛 一首

李邴 三首

劉弇 二首

汪藻 二首

曾紆 一首

徐俯 一首

趙師俠 一首

陳興義 二首

劉一止 六首

趙長卿 九首

王灼 二首

張綱 一首

王十朋 一首

陳濟翁 一首

向子諲

字伯恭臨江人敏中玄孫以欽聖憲肅皇后從姪恩補假承奉郎建炎初遷直龍圖閣江

淮發運副使為黃潛善所斥尋起知潭州累遷戶部侍郎自號薜林居士有酒邊集四卷

胡致堂云蘇林居士步
趨蘇堂而嘯其哉者也

如夢令

午夜涼生翠幔簾外行雲撩亂可恨白蘋風欲雨又還
吹散腸斷腸斷楚夢驚殘一半

生查子

近似月當懷遠似花藏霧好是月明時同醉花淡處
看花不自持對月空相顧願學月頻圓莫作花飛去

又

娟娟月入眉整整雲歸鬢鏡裏弄妝遲簾外風移影
斜窺秋水長軟語春鶯近無計奈情何只有相思分

鷓鴣天

說著分飛百種猜
泥人細數幾時回
風流可慣長孤冷
懷抱如何得好開
垂玉筍下香堦並肩小語更兜鞵
再三莫遣歸期誤
第一頻教入夢來

梅花引

戲代李師周作

花如頰梅如葉
小時笑弄堦前月
最盈盈最惺惺
閑愁

未識無計說深情一年空省春風面
花落花開不相見要相逢得相逢
須信靈犀中自有心通同杯杓同斟
酌千愁一醉都忘却花陰邊柳陰邊
幾回擬待偷憐不成憐傷春玉瘦慵梳掠
拋擲琵琶閑處著莫猜疑莫嫌遲
鴛鴦翡翠終是一雙飛

虞美人

宣和辛丑

去年雪滿長安樹望斷揚州路
今年看雪在揚州人在蓬萊深處
若為愁而今不恨伊相誤
自恨來何暮平

山堂下舊嬉游只有舞春楊柳自風流

殢人嬌 席上贈侍人輕輕

白似雪花柔於柳絮蝴蝶兒鎮長一處春風飴蕩驀然
吹去爭得倩游絲半空惹住波上精神掌中態度分
明是彩雲團做當年飛燕從今不數只恐是高唐夢中
神女

南歌子

柳眼風前動梅心雪後寒年華渾似霧中看報答風光

無處可為歡 一曲聊收淚 三杯強自寬 新愁不耐上
眉端 怕見長安歸路懶 凭欄

又

碧落飛明鏡 晴烟羃遠山 扁舟夜下廣陵灘 照我白蘋
紅蓼 一盃殘 初望同盟飲 如何兩處看遙知 香霧濕
雲鬟 凭睽瓊樓十二曲 闌干

蔡伸

字仲道 莆田人 稟之孫 宣和中官彭
城倅 居左中大夫 有友古詞一卷

水調歌頭

用盧贊元韻 別彭城

醉擊玉壺缺恨寫綠琴哀悠悠往事誰問離思渺難裁
綠野堂前桃李燕子樓中歌吹那忍首重回唯有舊時
月遠遠逐人來 小庭空清夜永獨徘徊伴人幽怨一
枝瀟灑隴頭梅心斷雲帆西去目送烟波東注千里接
長淮為我將雙淚好過楚王臺

滿庭芳

烟鎖長堤雲橫孤嶼斷橋流水溶溶凭欄凝望遠目送
征鴻桃葉蹊邊舊事如春夢回首無蹤難忘處薔薇花

下清夜一樽同 城東攜手地尋芳選勝賞徧珍叢念
紫簫聲闕燕子樓空好是盧郎未老佳期在端有相逢
重重恨聊憑紅葉和淚寄西風

蘇武慢

鴈落平沙烟籠寒水古壘鳴笳聲斷青山隱隱敗葉簫
蕭天際暝鴉零亂樓上黃昏片帆千里歸程年華將晚
望碧雲空暮佳人何處夢魂俱遠 憶舊游遼館朱扉
小園香徑尚想桃花人面書盈錦軸恨滿金徽難寫寸

心幽怨兩地離愁一樽芳酒淒涼危欄倚遍儘遲留憑
伏西風吹乾淚眼

飛雪滿羣山

冰結金壺寒生羅幙夜闌霜月侵門翠筠敲韻疎梅弄
影數聲鴈過南雲酒醒敲殘枕愴然猶有殘妝淚痕繡
被孤擁餘香未減猶是那時薰長記得扁舟尋舊約
聽小窓風雨燈火黃昏錦茵纔展瓊籤報曙寶釵又是
輕分黯然携手處倚朱箔愁凝黛顰夢回雲散山遙水

遠空斷魂

虞美人

瑤琴一弄清商怨樓外桐陰轉月華淡淡露華濃寂寞
小池烟水冷芙蓉攀花擷翠當時事綠葉同心字有
情還解憶人無過盡寒沙新鴈甚無書

南鄉子

宣和壬寅予與向伯恭俱為大漕屬
官向有詞云憑書續斷腸因為此詞

木落鴈南翔錦鯉殷勤為渡江淚墨銀鈎相憶字成行
滴損雲箋小鳳凰陳事費思量回首烟波捲夕陽儘

道憑書聊破恨難忘及至書來更斷腸

洞仙歌

鶯鶯燕燕本是于飛伴風月佳時阻幽願但人心堅固
後天也憐人相逢處依舊桃花人面綠窓携手乍簾
幙重重燭影搖紅夜將半對樽前如夢欲語魂驚語未
竟已覺衣襟淚滿我只為相思特特來這度更休推後
回相見

七娘子

天涯觸目傷離緒登臨况值秋光暮手撚黃花憑誰分
付離離鴈落蒹葭浦凭高目斷桃溪路屏山樓外青
無數綠水紅橋鎖窻朱戶如今總是銷魂處

侍香金童

寶馬行春緩轡隨油壁念一瞬韶光堪重惜還是去年
同醉日客裏情懷倍添淒惻記南城錦徑名園曾遍
歷更柳下人家似織此際凭欄愁脉脉滿目江山暮雲
空碧

蒼梧謠

天休使圓蟾照客眠人何在桂影自嬋娟

點絳脣

登歷陽連雲觀

水繞孤城亂山深鎖橫江路帆歸別浦冉冉蘭皋暮
人在天涯鴈背南雲去空凝竚鳳樓何處烟靄迷津渡

又

人面桃花去年今日津亭見瑤琴錦薦一弄清商怨
今日重來不見如花面空腸斷亂紅千片流水天涯遠

王庭珪

字民瞻廬陵人政和八年進士為國子監主簿晚直敷文閣有廬溪集詞二卷

點絳脣

花外紅樓當時青鬢顏如玉淡烟殘燭醉入花間宿

白髮相逢猶唱當時曲當時曲斷絃難續且盡杯中醪

又上元鼓子詞

玉漏春遲鐵關金鎖星橋夜暗塵隨馬明月應無價

天半朱樓銀漢星光射更深也翠蛾如畫猶在涼蟾下

感皇恩

一葉下西風寒生南浦推鼓鳴撓送君去長亭把酒却
倩阿誰留住樽前人似玉能留否 醉中暫聽離歌幾
許聽不能終淚如雨無情江水斷送扁舟何處歸時烟
浪捲朱簾暮

葉夢得

字少蘊吳縣人紹聖四年進士累遷翰林學
士兼侍讀除戶部尚書以崇信軍節度使致

仕贈檢校少保有建
康集石林詞一卷

關子東云葉公妙齡詞甚婉麗晚歲落其華
而實之能於簡淡時出雄傑合處不減東坡

賀新郎

睡起啼鶯語掩蒼苔房隴向晚亂紅無數吹盡殘花無
人見惟有垂楊自舞漸暝靄初回輕暑寶扇重尋明月
影暗塵侵上有乘鸞女驚舊恨遽如許江南夢斷橫
江渚浪黏天葡萄漲綠半空烟雨無限樓前滄波意誰
採蘋花寄取但悵望蘭舟容與萬里雲颿何時到送孤
鴻目斷千山阻誰為我唱金縷

菩薩蠻

湖光亭晚景

平波不盡蒹葭遠清霜半落沙痕淺烟樹晚微茫孤鴻

下夕陽 梅花消息近試向南枝問記得水邊春江南
別後人

水調歌頭

九月望日與客習射西園予病不能射

霜降碧天靜秋事促西風寒聲隱地初聽中夜入梧桐
起瞰高城四顧寥落關河千里一醉與君同疊鼓鬧清
曉飛騎引雕弓 歲將晚客爭笑問衰翁平生豪氣安
在走馬為誰雄何似當筵虎士揮手弦聲響處雙鴈落
遙空老矣真堪惜回首望雲中

王之道

字彥猷濡須人宣和六年進士歷
朝奉大夫有相山居士詞二卷

如夢令

江上對雨

一晌凝情無語手撚梅花何處倚竹不勝愁暗想江頭
歸路東去東去短艇淡烟疎雨

向

鎬

字豐之河內人
有樂齊詞二卷

南歌子

路盡湘江水人行瘴霧間昏昏西日度嚴關天外一簪
初見嶺南山北鴈連書斷新霜點鬢班此行休問幾

時還準擬桂林佳處過春殘

如夢令

次韻邢子文

夢斷綠窓鶯語消遣客愁無處小檻俯青郊恨滿楚江南路歸去歸去花落一川烟雨

又

書弋陽樓

樓上千峯翠巘樓下一灣清淺寶簾酒醒時枕上月華如練留戀留戀明日水村烟岸

沈

瀛

字子壽吳興人有竹齋詞一卷

葉水心云子壽少入太學仕四十餘年繼于
王官再入郡三位帥幕其平生業嗜文字若
性命在身
非外物也

念奴嬌

郊原浩蕩正奪目花光動人春色白下長干佳麗最寒
食嬉游人物露卷香輪風嘶寶騎雲表歌聲過歸來燈
火不知斗柄西揭 六代當日繁華幕天席地醉拍江
流窄游女人人爭唱道緩緩踏青阡陌樂事何窮賞心
無限可惜年光迫須臾聚散人生眞信如客

李

邴

字漢老任城人崇寧五年進士第紹興初參知政事授資政殿學士卒謚文敏有雲龕草

堂集

洞仙歌

柳花

一團嬌軟是將春揉做撩亂隨風到何處自長亭人去
後烟草萋迷歸未定裝點離愁無數飄揚無箇事剛
被縈牽長是黃昏怕微雨記那回淡院靜簾幕低垂花
陰下霎時留住又只恐伊家恣疎狂更驀地和春帶將
歸去

漢宮春

瀟灑江梅向竹梢疎處橫兩三枝東風也不愛惜雪壓
霜欺無情燕子怕春寒輕失花期惟是有南來塞鴈年
年長見開時清淺小溪如練問玉堂何似茅舍疎籬
傷心故人去後冷落新詩微雲淡月對孤芳分付他誰

空自倚清香未減風流不在人知

王仲言云漢老少日
作漢宮春詞贈炙人

口所謂問玉堂何似茅舍疎籬是也政和間自王省丁
憂歸山東服終造朝舉國無與談者方低低無計時王
黼為首相忽遣人招至東閣開宴出其家姬十數人
酒半唱是詞侑觴大醉而歸數日遂有館閣之命

玉樓春

美人書字

沉吟不語晴窓畔，小字銀鈎題欲遍。
雲情散亂未成篇，花骨軟斜終帶軟。
重重說盡情和怨，珍重提携常在眼。
暫時得近玉纖纖，翻羨鏤金紅象管。

劉 弇

字偉明，廬陵人。登元豐進士第，繼中博學宏詞科。有龍雲集。

惜雙雙令

風外橘花香暗度，飛絮綰殘春歸去。
醞造黃梅雨，冷烟曉占橫塘路。
翠屏人在天低處，驚夢斷行雲無據。
此

恨憑誰訴恁時却倩危絃語

清平樂

東風依舊著意隋堤柳
搓得鶯兒黃欲就天氣清明時
候一作所勾去年紫陌青門
今朝雨魄雲魂斷送一生憔悴

能消

一作知他

幾箇黃昏

汪藻

字彥章婺源人進士第歷官中書舍人兼直學士院推給事中遷兵部侍郎兼侍講拜翰林學士有

浮溪集

小重山

月下潮生紅蓼汀殘霞都斂盡四山青柳梢風急墮流
螢隨波去點點亂寒星別語寄丁寧如今能間隔幾
長亭夜來秋氣入銀屏梧桐雨還恨不同聽

點絳脣

永夜厭厭畫檐低月山銜斗起來搔首梅影橫窗瘦

好箇霜天閑却傳杯手君知否曉鴉啼後歸夢濃於酒

能改齊漫錄云彥章在翰林屢致言者作此詞或問曰
歸夢濃於酒何以在曉鴉啼後公曰無奈這一隊畜生
何按曉鴉草堂改作亂鴉歸夢改作歸興
便少意味今從吳虎臣能改齊漫錄正之

曾紆

字公卷南豐人布之子為司農少卿直寶大閣知衢州有空青集

菩薩蠻

月夜

山光冷浸清溪底溪光直到柴門裏臥對白蘋洲鼓眠
數釣舟溪山無限好恨不相逢早老病獨醒多如斯
良夜何

徐俯

字師川分寧人由通直郎歷進右諫議大夫紹興初賜進士出身累擢端明殿學士簽書樞密院事權參知政事有東湖集

卜算子

天生

一作胸中

百種愁挂在斜陽樹綠葉陰陰占得春草滿

鶯啼處

不見凌波步空憶如簧語柳外重重疊疊山

遮不斷愁來路

趙師俠

一作使字介之汴人燕王德昭七世孫舉進士有坦菴長短句一卷

尹先之云坦菴先生詞章幕寫風景體狀物態俱極精巧初不知其得之之易又云先生為文如泉出不擇地

謁金門

駝崗迂陸尉

沙畔路記得舊時行處藹藹疎烟迷遠樹野航橫不渡

竹裏疎花梅吐照眼一川鷗鷺家在清江江上住水流愁不去

陳興義

字去非季常孫本蜀人後徙居河南葉縣政和中登上舍甲科紹興中拜翰林學士知制

誥參知政事有簡

齊集無任詞一卷

黃叔賜云去非詞雖不多語意

超絕識者謂可摩坡仙之壘

虞美人

祖席醉中

張帆欲去仍搔首更醉君家酒吟詩日日待春風及至
桃花開後却匆匆歌聲頻為行人咽記著樽前雪明

朝酒醒大江流滿載一船離恨向衡州

臨江仙

憶昔午橋橋上飲坐中都是豪英長溝流月去無聲杏花疎影裏吹笛到天明二十餘年成一夢此身雖在

堪驚閑登小閣眺新晴古今多少事漁唱起三更

張叔夏云

真是自然而然胡仔云清婉奇麗簡齊詞惟此最優

劉一止

字行簡歸安人宣和三年進士紹興中官監察御史累遷給事中以直學士致仕有蒼溪

詞一

卷

洞仙歌

梅

細風輕霧鎖山城清曉冷藥疎枝為誰好對斜橋孤驛
流水濺濺無限意清影徘徊自照何郎空立馬惱亂
餘香綺思憑花更娟妙腸斷處天涯路遠音稀行人怨
角聲吹老歎客裏經春又三年向月地雲堦負伊多少
夜行船

十頃疎梅開半就折芳條嫩香滿袖今度何郎樽前疑
怪花共人俱瘦測測輕寒吹散酒高城近怕聽更漏

金步 卷十一
可惜溪橋月明風露長是人歸後

清平樂

相望吳楚遠信無憑據欲倩春風吹淚去化作愁雲恨
雨春應已到三吳楚江日夜東徂唯有汧流魚上不
知尺素來無

青玉案

小山遮斷藍橋路恨短夢難飛去長記脩眉縈曲度約
花開檻映風招袖總是憐渠處追歡我已傷遲暮猶

有多情舊時句極目高樓千尺許竹枝三唱為君淒斷
東日西邊雨

夢橫塘

浪痕經雨鬢影吹寒晚來無限蕭瑟野色分橋剪不斷
前溪風物船繫朱藤路迷烟寺遠鷗浮沒聽疎鐘斷鼓
似近還遙驚心事傷羈客新醅旋壓鶯黃拚清愁在
眼酒病縈骨繡閣嬌慵爭解說短封傳憶念誰伴塗妝
綰髻嚼蘂吹花弄秋色恨對南雲此時淒斷有何人知

得

喜遷鶯

曉光催角聽宿鳥未驚鄰雞先覺迤邐烟村馬嘶人起
殘月尚穿林薄淚痕帶霜微凝酒力衝寒猶弱歎倦客
悄不禁重染風塵京洛追念人別後心事萬重難覓
孤鴻託翠幌嬌深曲屏香暖爭念歲寒飄泊怨月恨花
須不是不曾經著這情味望一成消減新來還惡

陳質齊云

行簡是詞盛傳
京師號劉曉行

趙長卿

白號仙源居士南堂宗室有惜香樂府十卷

臨江仙

春事猶餘十日吳蠶早已三眠多情忍對落花前
酴醾飄暝雪荷葉媚晴天香淡無心浸酒綠浮可意
邀船時光堪恨也堪憐單衣三月暮歌扇一番圓

又

過盡征鴻來盡鴈故園消息茫然一春憔悴有誰憐
懷家寒食夜中酒落花天見說江頭春浪渺殷勤欲送

歸船別來此處最縈牽短蓬南浦雨疎柳斷橋烟

更漏子

燭消紅憲送白冷落一衾寒色鴉喚起馬駭行月來衣
上明酒香脣妝印臂憶共箇人春睡魂蝶亂夢鶯孤
知他睡也無

浪淘沙

綠樹嚙鳴禽已是春深楊花庭院日陰陰簾外飛來雙
語燕不寄歸音舊事嬾追尋空惹芳心天涯消息遠

沉沉記得年時中酒後直至而今

卜算子

春水滿江南三月多芳草幽鳥銜將遠恨來一一都啼
了不學鴛鴦老回首臨平道人道長眉似遠山山不
似長眉好

虞美人

雨聲破曉催行槳拍拍谿流長綠楊遶岸水痕斜恰似
畫橋西畔那人家
人家樓閣臨江渚應是停歌舞珠

金史四庫全書
卷十一
簾整日不開
鉤目斷征帆
猶未識歸舟

畫堂春

長新亭

小亭烟柳水溶溶
野花白白紅紅
惱人池上晚來風
吹損春容
又是清明天氣
當年小院相逢
憑欄幽思幾
千重
殘杏香中

菩薩蠻

隔江一帶春山好
平林新綠春光老
休去倚闌干
飛紅不忍看
東流何處去
便是歸舟路
芳草外斜陽
行人

更斷腸

朝中措

亂山疊疊水泠泠
南北短長亭
客路如天
杳杳歸心特地寧寧
春光荏苒
花期冷落
酒伴飄零
柳一作影黃
邊漸綠
燒痕黑
處重青

王

灼

字晦叔
遂寧人有願堂詞

長相思

來匆匆去匆匆
短夢無憑
春又空
難隨郎馬蹤
山重

重水重重飛絮流雲西復東音書何處通

清平樂

墜紅飄絮收拾春歸去長恨春歸無覓處心事欲誰分
付盧家小苑回塘于飛多少鴛鴦縱使東牆隔斷莫
愁應念王昌

張

綱

字彥正金壇人政和四年賜上舍及第釋褐授承事郎徽宗以綱三中首選特除太學官

紹興中參知政事

好事近

梅柳

梅柳約東風迎臘暗傳消息粉面翠眉偷笑似欣逢佳
客 晚來歌管破餘寒沉烟裊輕碧老去不禁卮酒奈
樽前春色

王十朋

字龜齡樂清人由太學廷對推第一除著作
郎遷大宗正丞累遷國子司業陞侍講歷四
郡守除侍御史以龍圖閣學
士致仕諡忠文有梅溪集

點絳脣

醉醺

野態芳姿枝頭占得春長久怕鉤衣袖不放攀花手

試問東風花似當時否還依舊謫仙去後風月今誰有

陳濟翁

驀山溪

去年今日從駕游西苑彩仗壓金坡看水戲魚龍曼衍
寶津南殿宴坐近天顏金杯酒君王勸頭上官花顫
六軍錦繡萬騎穿楊箭日暮翠華歸擁鈞天笙歌一片
如今關外千里未歸人前山雨西樓晚望斷思君眼

詞綜卷十一

欽定四庫全書

集部
詞綜卷十三

詳校官庶吉士臣朱理

侍讀臣孫球覆勘

總校官檢討臣何思鈞

校對官學正臣陳永

謄錄監生臣劉宗望

欽定四庫全書

詞綜卷十二

翰林院檢討朱彝尊編

宋詞六十三首

趙鼎

四首

岳飛

一首

李彌遜

一首

朱翌

一首

張元幹

八首

洪皓

一首

呂本中

三首

鄧肅

三首

劉子翬一首

張掄一首

朱敦儒十三首

康與之五首

吳億一首

曾覲三首

閻蒼舒一首

左譽一首

陸凝之一首

楊无咎五首

阮閱一首

侯寘二首

曾慥一首

曾惇一首

朱雍一首

姚進道一首

劉之翰一首

江緯一首

趙

鼎

字元鎮聞喜人崇寧初進士累官尚書左僕射同中書門下平章事兼樞密使卒贈太傅

諡忠簡追封豐國公

有得全居士集詞一卷

黃叔賜云趙公中興名

相詞章婉媚不減花間

蝶戀花

盡日東風吹綠樹向晚輕寒數點催花雨年少淒涼天
付與更堪春思縈離緒臨水高樓攜酒處曾倚哀絃
歌斷黃金縷樓下水流何處去凭欄目送蒼烟暮

點絳脣

香冷金爐夢回鴛帳餘香嫩更無人問一枕江南恨
消瘦休文頓覺春衫褪清明近杏花吹盡薄暮東風緊

又

惜別傷離此生此念無重數故人何處還送春歸去
美酒一杯誰解歌金縷無情緒淡烟疎雨花落空庭暮

滿江紅

丁未九日南渡泊舟儀真江口

慘結秋陰西風送絲絲雨濕凝望眼征鴻幾字暮投沙

磧欲問鄉關何處是水雲浩蕩連南北但脩眉一抹有
無中遙山色江上路天涯客腸已斷頭應白空搔首
興歎暮年離隔欲待忘憂除是酒奈酒行有盡愁無極
便挽將江水入尊壘澆胸臆

岳

飛

字鵬舉湯陰人累官少保樞密
副使封國公諡武穆追贈鄂王

小重山

昨夜寒蛩不住鳴驚回千里夢已三更起來獨自遶階
行人悄悄簾外月朧明白首為功名舊山松竹老阻

歸程欲將心事付瑤琴知音少絃斷有誰聽

李彌遜

字似之吳縣人大觀初登第遷起居郎試中書舍人再試戶部侍郎以爭和議忤秦檜乞

歸田隱連江西山有筠溪集

菩薩蠻

江城烽火連三月不堪對酒長亭別休作斷腸聲老來
無淚傾 風高帆影疾目送舟痕碧錦字幾時來薰風
無鴈回

朱翌

字新仲龍舒人政和中進士
歷官中書待制有鴈山集

點絳脣 梅

流水泠泠斷橋橫路梅枝亞雪花飛下渾似江南畫

白壁青錢欲買春無價歸來也風吹平野一點香隨馬

張元幹

字仲宗長樂人紹興中坐送胡銓及寄李綱詞除名有歸來集蘆川詞一卷

賀新郎

送胡邦衡待制赴新州

夢繞神州路悵秋風連營畫角故宮離黍底事崑崙傾
砥柱九地黃流亂注聚萬落千村狐兔天意從來高難
問況人情易老悲難訴更南浦送君去涼生岸柳摧

殘暑耿斜河疎星淡月斷雲微度萬里江山知何處回首對牀夜語鴈不到書成誰與目盡青天懷今古肯兒曹恩怨相爾汝舉大白聽金縷

石州慢

寒水依痕春意漸回沙際烟濶溪梅晴照生香冷蕊數枝爭發天涯舊恨試看幾許消魂長亭門外山重疊不盡眼中青是愁來時節情切畫樓深閉想見東風暗消肌雪辜負枕前雲雨樽前花月心期切處更有多少

淒涼殷勤留與歸時說到得再相逢恰經年離別

柳梢青

海山浮碧細雨絲風新愁如織慵試春衫不禁宿酒天涯寒食歸期莫數芳辰誤幾度回廊夜色入戶飛花隔簾雙燕有誰知得

點絳脣

秋社前一日溪光亭大雨作

山暗秋雲暝鴉接翅啼榕樹故人何處一夜溪亭雨夢入新涼只道消殘暑還知否燕將雛去又是流年度

又

春曉輕雷采蘋洲上清明雨亂雲遮樹黯澹江村路
今夜歸舟綠潤紅香處遙山暮畫樓何許喚取潮回去

又

呈洛濱筠溪二老

清夜沉沉暗蛩啼處簷花落乍涼簾幕香繞屏山角
堪恨歸鴻情似秋雲薄書難託儘教寂寞忘了前時約

怨王孫

霽雨天迥平林烟暝燈閃江沙水生釣艇樓外暗柳誰

家亂昏鴉 相思怪得令番甚寒食近小硯魚箋信屏
山半掩微醉獨倚闌干恨春寒

清平樂

明珠翠羽小綰同心縷好去吳淞江上路寄與雙魚尺
素蘭橈飛取歸來愁眉待得伊開相見嫣然一笑眼
波先入郎懷

洪皓

字先弼樂平人第進士建炎中以徽猷閣待
制假禮部尚書為通問使還除徽猷閣直學

士提舉萬壽觀兼權直學士院忤秦檜責濠
州團練副使安置英州後徙袁州卒諡忠宣

江梅引

天涯除館憶江梅。幾枝開。使南來。還帶餘杭春信到燕
臺。準擬寒英聊慰遠。隔山水。應銷落。赴愬誰。空恁遐
想笑。摘蕊斷回腸。思故里。謾彈綠綺引三弄。不覺魂飛
更聽胡笳哀。淚沾衣。亂插繁華須異日。待孤諷。怕東
風一夜吹。

呂本中

字居仁洛陽人公著曾孫好問子授承務郎
紹興六年賜進士累遷中書舍人兼權直學

士院秦檜諷御史劾罷之提舉
太平觀卒諡文靖有東萊集

南歌子

驛路侵斜月溪橋度曉霜
短籬殘菊一枝黃正是亂山
淡處過重陽旅枕原無夢
寒更每自長只言江左好
風光不道中原歸思轉淒涼

減字木蘭花

去年今夜同醉月明花樹下
今夜江邊月暗長隄柳暗
船故人何處帶我離愁
江外去來歲花前還似今年
憶去年

清平樂

柳花

柳塘新漲艇子操雙槳閑倚曲樓成悵望是處春愁一樣
傷人幾點飛花夕陽又送栖鴉試問畫樓西畔暮
雲恐近天涯

鄧肅

字志宏延平人高宗朝官左
正言所著有耕欄集詞一卷

南歌子

雲繞風前鬢春開鏡裏妝鳳屏清晝裊龍香淺畫蛾眉
新樣遠山長
比翼曾同夢雙魚隔異鄉玉樓依舊暗

垂楊樓下落花流水自斜陽

長相思

一重溪兩重溪溪轉山回路欲迷朱欄出翠微
梅花飛雪花飛醉臥幽亭不掩扉冷香尋夢歸

生查子

執手兩潸然情極都無語去馬更匆匆一息迷回顧
孤館得村醪一醉空離緒酒醒却無人簾外三更雨

劉子翬

字彥冲崇安人以父給任授承務郎通判興化軍辭歸武夷山學者稱為屏山先生有屏

山集

驀山溪

九日

浮烟冷雨此日還重九秋去又秋來但黃花年年依舊
平臺戲馬無處問南徐茅舍小竹籬疎兀坐空搔首
客來何有草草三杯酒一醉萬緣空休貪他金印如斗
病翁老矣誰共賦歸歟
芟隴麥網溪魚未落他人後

張

掄

字才甫南渡故老
有蓮社詞一卷

霜天曉角

曉風搖幕敲枕聞殘角霜月到窓寒影金猊冷翠衾薄
舊恨無處著新愁還又作夜夜單于聲裏燈花共珠

淚落

朱敦儒

字希真一作希直洛陽人以薦起賜進士出身為祕書省正字兼兵部郎官遷兩浙東路提點刑獄上疏乞歸居嘉禾晚除鴻臚少卿有樵歌三卷

張正大云希真賦月詞插天翠柳被何人推上一輪明月白是豪放賦梅引橫枝銷瘦一如無但空裏疎花數點語意奇絕如不食烟火語汪叔耕云希真詞多塵外之想雖雜以微塵而其清氣自不可沒黃叔暘云希真東都名士詞章擅名天資曠達有神仙風

致

念奴嬌

別離情緒奈一番好景一番悲戚燕語鶯啼人乍遠還是他鄉寒食桃李無言不堪攀折總是風流客東君也自怪人冷淡蹤跡花艷草草春工酒隨花意薄疎狂何益除却清風并皓月脉脉此情誰識料得文君重簾不卷且等閑消息不如歸去受他真個憐惜

朝中措

當年挾彈五陵間行處萬人看雪獵星飛羽剪春遊花
簇雕鞍飄零到此天涯倦客海上蒼顏多謝江南蘇
小尊前怪我青衫

十二時

連雲衰草連天晚照連山紅葉西風正搖落更前溪鳴
咽燕去鴻歸音信絕問黃花又共誰折征人最愁處
送寒衣時節

好事近

春雨細如塵樓外柳絲黃濕風約繡簾斜去透窓紗寒
碧美人慵剪上元燈彈淚倚瑤瑟却卜紫姑香火問
遼東消息

又

漁父

搔首出紅塵醒醉更無時節生計綠蓑青笠慣披霜衝
雪晚來風定釣絲閑上下是新月千里水天一色看
孤鴻明滅

又

漁父長身來只共釣竿相識隨意轉船回
樵似飛空無跡蘆花開落任浮生長醉是
良策昨夜一江風雨都不曾聽得

又

撥轉釣魚船江海盡為吾宅恰向洞庭沽
酒却錢塘橫笛醉顏禁冷更添紅潮落下
前磧經過子陵灘畔得梅花消息

又

短棹釣船輕江上晚烟籠碧塞鴈海鷗分路占江天秋色
錦鱗撥刺滿籃魚取酒價相敵風順片帆歸去有
何人留得

又

失却故山雲索手指空為客蓴菜鱸魚留我住駕鵞湖
側偶然添酒舊葫蘆小醉度朝夕吹笛月波樓下有
何人相識

點絳脣

客夢初回臥聽吳語開帆索護霜雲薄淡淡芙蓉落

畫舫無情人去天涯角思量著翠蟬金雀別後新梳掠

雙鵝鵲

拂破秋江烟碧一對雙飛鵝鵲應是遠來無力稍下相
偎沙磧小管誰吹橫笛驚起不知消息悔不當時描
得如今何處尋覓

相見歡

金陵城上西樓倚清秋萬里夕陽垂地大江流中原

亂簪纓散幾時收試倩悲風吹淚過揚州

柳枝

江南岸柳枝江北岸柳枝折送行人無盡時恨分離柳
枝酒一杯柳枝淚雙垂柳枝君到長安百事違幾時
歸柳枝

康與之

字伯可渡江初以詞受知高宗官郎中有順巷樂府五卷

陳質齋云伯可詞鄙褻之甚黃叔賜云伯可以文詞待詔金馬門凡中興粉飾治具及慈寧歸養兩宮歡集必假伯可之歌詠故應制之詞為多王性之云伯可樂章令晏叔

原不得獨擅 沈伯時云康伯可抑
者鄧音律甚協但未免時有俗語

洞仙歌令

荷花

若耶溪路別岸花無數欲斂嬌紅向人語與綠荷相倚
恨回首西風波淼淼三十六陂烟雨新妝明照水汀
渚生香不嫁東風被誰誤遣躊躇騷客意千里緜緜仙
浪遠何處凌波微步想南浦潮生畫橈歸正月曉風清
斷腸凝竚

應天長

管絃繡陌燈火畫橋塵香舊時歸路腸斷蕭娘舊日風
簾映朱戶鶯能舞花解語念後約頻成輕負緩雕轡獨
自歸來凭欄情緒 楚岫在何處香夢悠悠花月更誰
主惆悵後期空有鱗鴻寄紉素枕前淚窓外雨翠幕冷
夜涼虛度未應信此度相思寸腸千縷

喜遷鶯

秋夜聞鴈

秋寒初勁看雲路鴈來碧天如鏡湘浦烟深衡陽沙遠
風外幾行斜陣回首塞門何處故國關河重省漢使老

認上林欲下徘徊清影 江南烟水暝聲過小樓燭暗
金猊冷送目鳴琴裁詩挑錦此恨此情無盡夢想洞庭
飛下散入雲濤千頃過盡也奈杜陵人遠玉關無信

訴衷情令

長安懷古

阿房廢址漢荒丘狐兔又羣遊豪華盡成春夢留下古
今愁 君莫上古原頭淚難收夕陽西下塞鴈南來渭
水東流

玉樓春

青歲後約無憑據誤我碧桃花下語誰將消息問劉郎
悵望玉溪溪上路春來無限傷情緒擬欲題詩都付
與東風吹落一庭花手把新愁無寫處

吳億

字大年南渡時人有溪園自怡集

南鄉子

江上雪初消暖日晴烟弄柳條認得裙腰芳草綠魂消
曾折梅花過斷橋蟬鬢為誰凋長恨含嬌那處嬌遙
想晚妝呵手罷無聊更傍朱脣暖玉簫

曾覲

字純甫汴人紹興中以寄班祇候與龍大淵同為建王內知客孝宗受禪以潛邸舊人除

權知閤門事淳熙初除開封儀同三司加少保醴泉觀使有海野詞一卷

黃叔賜云純甫東都故老詞多感慨如金人捧露盤憶秦娥等曲悽然有黍離之感

金人捧露盤

庚寅春奉使過京師感懷作

記神京繁華地舊游蹤正御溝春水溶溶平康巷陌繡
鞍金勒躍青驄解衣沽酒醉絃管柳綠花紅到如今
餘霜鬢嗟前事夢魂中但寒烟滿目飛蓬雕欄玉砌空
餘三十六離宮塞苑驚起暮天鴈寂寞東風

憶秦娥

邯鄲道上

風蕭瑟邯鄲古道傷行客
傷行客繁華一瞬不堪思憶
叢臺歌舞無消息金樽玉管空陳跡
空陳跡連天草樹暮雲凝碧

菩薩蠻

次韻龍深甫

杏花寒食佳期近一簾烟雨琴書潤
砌下水潺潺玉笙吹暮寒
陽臺雲易散往事尋思嬾花底醉相扶
當時人在無

閻蒼舒

蜀人官至侍郎
嘗北使汴京

水龍吟

少年聞說京華上元景色烘晴晝朱輪畫轂雕鞍玉勒
金衢爭驟春滿鰲山夜沉陸海一天星斗正紅毡過了
鳴鞘聲斷回鸞馭鈞天奏誰料此生親到五十年都
城如舊而今但有傷心烟霧縈愁楊柳寶籙宮前絳霄
樓下不堪回首願黃圖早復端門燈火照人還又

左譽

字與言天台人歷仕後去爲
浮屠所著有筇翁長短句

王仲言云與言策名之後籍甚宦途錢塘幕
府樂籍有名姝張芸女名穠色藝妙天下君
頗顧之如盈盈秋水淡淡春山與一段離愁
堪畫處橫風斜雨挹衰柳及帷雲剪水滴粉
搯酥皆為穠作當時都人有曉風殘月柳三
變滴粉搯酥左與言之對後穠委身立勳大
將家易姓章疏封大國紹興中因覓官行闕
暇日訪西湖兩山間忽逢車輿甚盛中視一
麗人褰簾顧君而顰曰如今若把菱花照猶
恐相逢是夢中視之乃穠也君醒然悟入即
拂衣東渡
一意空門

眼兒媚

樓上黃昏杏花寒斜月小闌干一雙燕子兩行征鴈畫

角聲殘 綺窓人在東風裏
灑淚對春閑也應似舊盈
盈秋水淡淡春山

陸凝之

字永仲號石室餘杭人
布衣高宗召見不赴

念奴嬌

觀潮

遠山一帶遡晴空極目天涯浮白楓落鴉翻談笑處不
覺雲濤橫席酒病方蘇睡魔猶殢一掃無留迹吳帆越
棹恍然飛上空碧長記草賦梁園凌雲筆勢倒三江
秋色對此驚心空悵望老作紅塵閑客別浦烟平小樓

人散回首千波寂西風掃露為君重噴霜笛

楊无咎

字浦之清江人高宗朝累徵不起
自號清夷長者有逃禪集二卷

南歌子

次東坡端午韻

小雨疎疎過長江滾滾流落霞殘照晚明樓又是一番
重午身寄南州羅綺紛香陌魚龍漾彩舟不堪回首
鳳池頭誰道於今霜鬢猶是淹留

生查子

秋來愁更深黛拂雙蛾淺翠袖怯天寒脩竹蕭蕭晚

此意有誰知恨與孤鴻遠小立背西風又是重門掩

甘草子

秋暮永夜西樓冷月明窓戶夢破櫓聲中憶在松江路
敲枕試尋曾遊處記歷歷風光堪數誰與浮家五湖
去儘醉眠秋雨

明月棹孤舟

周三五

寶髻雙垂烟縷縷年紀小未周三五壓衆精神出羣標
格偏向衆中翹楚記得蕉門初見處禁不定亂紅飛

去掌託鞋兒肩拖裙子悔不做閑男女

於中好

牆頭艷杏花初試
遶珍叢細按紅蕊
欲知占盡春明媚
悄無意看桃李
持杯準擬花前醉
早一葉兩葉飛墜
晚來旋旋深無地
更聽得東風起

阮

閱

一作閑字閑休一作閑休建炎初知
袁州致仕寓居宜春著詩話總龜

洞仙歌

贈宜春官妓趙佛奴

趙家姊妹合在昭陽殿
因甚人間有飛燕
見伊底盡道

獨步江南便江北也何曾慣見
惜伊情性好不解嗔
人長帶桃花笑時臉向尊前酒底見了須歸似恁地能
得幾回細看待不敗眼兒覷著伊將敗眼工夫看伊幾
遍

侯寘

字彥周東武人晁說之甥紹興中以直學士知建康有嬾窩詞一卷

朝中措

元夕上潭帥劉共甫

年來玉帳罷兵籌燈市小遲留花外香隨金勒酒邊人
倚紅樓沙堤此去傳柑侍宴天上風流還記月華小

隊春風十里潭州

風入松

少年心醉杜韋娘，曾格外疎狂。錦箋預約西湖上，共幽
深竹院松莊。愁夜黛眉顰翠，惜歸羅帕分香。重來一
夢繞湖塘。空烟水微茫。同心眼底無蘇小，記舊遊凝竚
淒涼。入扇柳風殘酒，點衣花雨斜陽。

曾慥

字端伯，編
樂府雅詞。

調笑

梅

清友羣芳右萬縞紛披茲獨秀天寒月薄黃昏後
編
袂亭亭招手故山千樹連雲岫借問如今安否

曾惇

字磁父有
詞一卷

黃叔賜云磁父故
相之孫辭播樂府

點絳脣

重九飲栖霞

九日傳杯要携佳客棲霞去滿城風雨記得潘郎句

紫菊紅萸何意留儂住愁如許暮烟一縷正在歸時路

朱雍

紹興中乞召試賢
良有梅詞二卷

好事近

梅

春色為誰來枝上半留殘雪恰近小園香徑對霜林寒
月危欄淒斷笛聲長吹到偏鳴咽最好短亭歸路有
行人先折

姚進道

華亭人

青玉案

和賀方回韻送伯固歸吳中

三年枕上吳中路遣黃耳隨君去若到松江呼小渡莫
驚鷗鷺四橋盡是老子經行處
輞川圖上看春暮常

記高人左丞句作箇歸期天已許春衫猶是小蠻鍼線
曾濕西湖雨

劉之翰

荆南人

水調歌頭

獻田都統

涼露洗金井一葉下梧桐謫仙浪游何處華髮作詩翁
烏帽蕭蕭一幅坐對清泉白石矯首撫長松獨寫歸來
晚聲在碧霄中神仙宅留玉節駐金猊黔南一道十
萬貔貅控雕弓笑折碧荷倒影自唱采蓮新曲詞句滿

秋風劍佩八千歲長入大明宮

田世輔為金州都統制時之翰待峽州遠安主

薄閼作此詞獻之田覽之大喜致書約來金城欲厚加資給而之翰遽亡明年田出閼武忱惇見之翰立遣左

因大驚異至送

千結與其孤

江緯

向湖邊

退處鄉關幽棲林藪舍宇第須茅蓋翠巘清泉啓軒窓
遙對遇等閑鄰里過從親朋臨顧草草便成歡會策杖
携壺向湖邊柳外旋買溪魚便斫銀絲鱠誰復欲痛

飲如長鯨吞海共惜醺酣恐歡娛難再別清風明月非
錢買休追念金馬玉堂心膽碎且鬪尊前有阿誰身在

詞綜卷十二